

eusse pas appellees adiutoire de l'omme / car elles ne fussent pas a l'omme en adiutoire mais en dommage et en nuyssemēt. Apres nous lisōs dung maistre qui fist deux vers esquelz il demāde ⁊ respont et dist ainsi. Quelle chose vault mieulx que or / iaspe. Quelle chose vault mieulx que iaspe / sens. Quelle chose vault mieulx que sens / femme. Quelle chose vault mieulx que femme / riens. Par ces raysons et par moult daultres que ie delaisse a cause de briefte peuls tu veoir que moult de femmes sont bonnes et leurs consaulx bons ⁊ prouffitables. Se tu veulx doncques maintenant croire mon conseil ie te rendray ta fille toute saine ⁊ feray tant que tu auras hōneur en ce fait.

Quant melibee eut ouy parler prudence si dist. Je voy bien que la parole de salomon est vraye qui dit. Brelches de miel sont paroles biē ordonnees / car elles donnent douleur a lame et sante au corps / Car pour tes paroles trestoulces et pource que iay esprouue ta grant sapience ⁊ ta grant leaulte ie me vueil du tout gouverner par ton conseil

Duis dist prudence que tu te veulx gouverner par moy ⁊ vser de mō conseil ie te vueil enseigner ⁊ aprendre comme tu te dois maintenir en conseil prendre lequelz enseignemens moult te prouffiteront. Premieremēt en toutes tes ocuures tu dois deuant tous aultres le conseil de dieu demāder ⁊ te dois mettre en lieu deuot ou tu le requieres deuotemēt affin quil te vueille aidier et conforter. Et pource disoit thobie a son filz. En tout temps benoie dieu et luy prie quil tadresse tes voyes ⁊ tous tes cōsaulx soyēt en luy tous temps. Et aussi saint iaques si dist. Se aucuns de vous a mestier de sapience si la demandes a dieu. Apres tu dois prēdre cōseil a toy meisme et dois regarder en ta pensee et toy examiner ce quil te semble que mieulx te sera conuenient / ⁊ lors tu dois oster troys choses de toy qui sont contraires a conseil / Cest assauoir ire couoitise et hastiue. Premieremēt doncques cil qui demāde conseil a soy meisme doit estre sans ire par moult de raysons lesquelles apres sensuyuent. La premiere est car celuy qui est couroucie cuide tousiours plus valoir et pl⁹ hauoir de puissance quil ne peult ne ha / et pource son conseil sour mōte tousiours la force. Lautre rayson si est car cil qui est courouciez ne peult bien iugier / et par consequent ne peult bien conseillier. Lautre rayson est car cil qui est couroucie selon que dit et afferme seneque ne peult ne ne sct parler ne dire chose quelconque fors q̄ choses criminelles / ⁊ en tel maniere il esmeut les aultres a couroux ⁊ a ire. Apres tu dois oster de toy couoitise / Car selon ce